

文淵閣

四庫全書

影印

文淵閣四庫全書

第一二七六冊

北京出版集團公司
北京出版社

本册目次

楊忠介集	荆川集	皇甫少玄集
附錄		外集
明楊爵撰……………一	明唐順之撰……………一八三	明皇甫濬撰……………四九一

欽定四庫全書

集部

楊忠介集卷一至四

詳校官監察御史臣曹坦

中書臣劉源溥覆勘

總校官編修臣王燕緒

校對官中書臣陳木

謄錄監生臣羅俊

欽定四庫全書

集部六

楊忠介集

別集類五

提要

臣

等謹案楊忠介集十三卷明楊爵撰爵有

周易辨錄已著錄是編第一卷為奏議二卷

為序碑記三卷為傳四卷為書五卷為家書

六卷為語錄七卷為祭文誌銘雜著八卷至

十三卷為詩附錄五卷則後人所編輯也世

欽定四庫全書

楊忠介集

宗時齋醮方興士大夫率以青詞取媚而爵

獨據理直諫如所陳時雪之不可以為瑞左

道之不可以惑眾詞極剴切下獄以後猶疏

諫以冀一悟其忠愛悱惻至今如見家書二

十五則諄諄以忠孝勗其子孫未嘗一言及

私語錄不為高論而篤實明白皆粹然儒者

之言按爵與羅洪先錢德洪諸人遊以講學

相勗然德洪等源出姚江務闡良知之說爵

則以躬行實踐為先闢西道學之傳爵實開
之跡其生平可謂不負所學者所作詩文大
都直抒胸臆雖似傷平易然有本之言不由
雕繪其可傳者正不在詞采間矣乾隆四十
六年閏五月恭校上

總纂官臣紀昀臣陸錫熊臣孫士毅
總校官臣陸費輝

欽定四庫全書

。楊忠介集卷一

明 楊爵 撰

奏議

固邦本疏

題為彌災變安黎庶以固邦本事臣于嘉靖八年十月
內承制往湖廣公幹即今事完回還臣知陛下哀憫斯
民之心懸于閭閻之下凡四民利病民間休戚必欲聞

欽定四庫全書

楊忠介集
卷一

之故今謹述所過地方災傷生民可痛之狀為陛下言
之南北直隸河南山西陝西等處地方當禾苗成熟之
日蝗蝻盛生彌空蔽日積于地者至三四寸厚將禾根
食之皆盡居民往往率婦子將蝗蝻所食禾苗痛哭收
割以為草芻之用其他蝗蝻稍少之地禾苗食有未盡
者頗有秋成之望矣未及成熟嚴霜大降一時盡皆枯
槁遭此災變民失依倚去年冬月民所資以為食者皆
其先時所捕曬之蝗蝻與木葉木皮等物當此之時民

之形色顛悴雖甚可哀而死于道路者尚未多見此及今春臣復經此地每見餓死尸骸積于道路者不可勝數又見行者往往割死者之肉即道傍烹食之又聞有父子相食者井陘縣一日而縣官獲殺人食者三人臣聞之拊膺大痛食不下咽自謂有司必能具奏聖明在上聞有是事必至流涕此臣到京間廟堂之上救民之死非其所急而所議者郊社之禮耳微臣憂國愛君之心切於中而不能不有所言也昔者漢文帝之時家給

欽定四庫全書

楊忠介集

人足海內富庶賈誼上書猶曰可為痛哭謂抱火厝之積薪之下而寢其上不可謂安況於今日時勢當何如耶古賢王之治天下也生養遂而後教化行教化行而後禮樂興方今災傷之地生民死亡十有六七存者起而為盜賊雖稍有積蓄之家亦難保於自食其勢渙散不可收拾朝廷之上舍此不之憂而議合祀分祀之禮是所謂不能三年之喪而緦小功之察放飯流歎而問無齒決也夫民惟邦本本固邦寧民心離散邦本不固

土崩之勢可以立待縱使周公所制禮文盡行於今日亦何補于天下之亂乎深念及此可為寒心不知陛下宵旰之際亦嘗慮及于此乎左右謀國之臣亦嘗言及於此乎且南北分祀以復先王之禮非不可也但今日救民死亡之日而非興禮樂之時也自古國家衰亂未有不由民窮盜起而為上者不知憂恤遂至人心離叛而天命亦去宗社不可復保矣故臣之所憂者不在府庫之財不能徧濟天下而但恐陛下無憂勤斯民之心

欽定四庫全書

楊忠介集

也夫憂民即所以憂國治民即所以治國也陛下日事經筵雖隆寒燄暑未嘗少怠臣知陛下銳志太平而欲為堯舜之君矣蓋堯舜之心急于救民一民饑曰我饑之也一民寒曰我寒之也假使當時餓死之民滿于溝壑有如今日堯舜之心當何如哉臣願陛下上畏天心之儆戒下憫斯民之死亡不遑他務專廣仁恩移此議禮之心區畫賑濟之策以長沃民生則皇恩浩蕩孰不頌明明天子深仁廣被在在戴生我父母向之枵腹待

哺者今有飽食之慶矣向之妻子離散者今有室家之樂矣民心已渙而復收邦本雖搖而轉固縱值天時之災鮮不以人力勝之也海宇蒼生享太平之福聖子神孫繼萬年之緒者端在此矣臣不勝戰慄敬惕恐懼之至

隆治道疏

題為慰人心以隆治道事臣惟人主一身萬化本原履至尊之位膺艱大之責用人行政是非得失方在幾微而關于民心之向背天命之去留者即甚可畏也是以聖帝明王深察

欽定四庫全書

楊忠介集
卷一

乎此制治必於未亂保邦必於未危事無微而不謹時無暫而不懼幾無隱而不飭為大於其細而圖難于其易然後天人交與而可以延國祚於永久矣方今天下大勢如人哀病之極內而腹心外而百骸莫不受病即欲拯之無措手之地以臣觀之其危亂之形將成目前之憂甚大也大抵因仍苟且兵戎廢弛奢侈妄費公私困竭奔競成俗賄賂通行遇災變而不憂非祥瑞而稱賀諂諂面諛公肆欺罔士風民俗于此大壞而國之所恃以為國者掃地盡矣撥危

欽定四庫全書

楊忠介集
卷一

亂而反之治安此在陛下所以轉移率勵之者何如耳况當朝覲大比之期有司多士濟濟來趨延頸思化人切仰極重不可反幾失則難濟伏願陛下汲汲於此時留心焉以為善後之圖也臣以病居林下者八九年誤蒙聖恩賜之起用擢以耳目之官任以糾劾之責受命以來蚤夜耿耿每思國事日非而臣於國恩有未報至於痛心流涕者有之臣請畧舉目前所見其大要足以失人心而致危亂以貽聖心之憂者為陛下告誠不忍默默保位以上負陛下之洪恩下負生平之所學也伏願聖明垂聽焉臣竊惟天下之患莫大于以危為安以菑為利實則可憂而以為大可樂法家拂士日益遠而快意肆情之事無取有齟齬于其間積弊而至于蠱則不可得而救矣此實天下之大患也往年夏末入秋恒暘不雨畿輔千里已無秋禾既又立冬無雪暖氣如春元旦僅雪即止民失所望洵洵無聊憂旱之切遠近所同此正陛下撤樂減膳率臣下以祈惠寧之時也而在

廷之臣如大學士夏言數人者乃以為靈瑞而稱頌之其欺天罔人不亦甚乎其不幾于安危利害而以大可憂者為樂耶孔子告顏淵為邦在遠佞人若是而謂之佞人者非耶大臣之職輔君當道志于仁而先天下以為憂者也無忠君體國之心而居人臣之極位所謂小人而乘君子之器也欲天下之治安可得耶又如翊國公郭勛者中外皆知其為天下之大惡朝廷之大蠹也勛之舉動蹤跡豈能逃于聖鑒雖陛下威德優容不忍

欽定四庫全書

楊忠介集

六

即罪神謀遠慮自有所處臣愚以為奸不可近惡不可長若止之于微遏之於漸則朝廷優禮人臣之體貌未失而勲戚之餘裔亦得以保全而善終也或使稔惡肆毒潛干政柄則羣狡趨赴善類退處其為天下國家之禍日益深矣治道去其太甚者此其為害治之人之甚所當急去而不可緩也凡此任用匪人足以失人心而致危亂者一也天生斯民立之司牧君人者奉天以安民而使之各得其所也民不得所則其心不能無怨民

心怨則天意可知矣古者民勤于食則百作廢今民勤食不可得而至於離散離散無所歸而至于死亡臣近巡視南城兩月中凍餒死者八十人此特南城一廓耳共計五城未知有幾目所不及見而在于千萬里之遠者又未知其有幾孰非陛下之赤子也而顛連無告委命溝壑蓋望一豆羹蔬食以延湏臾之生而不可得也此正陛下愛民惜財與天下休息之時也而土木之功十年于此矣而尚未止工部屬官添設者至數十員又

欽定四庫全書

楊忠介集

七

差部官遠修雷壇以一方士之故浚民膏血而不知恤則民何以得其所哉民惟邦本本固邦寧窮民之力盡民之財是自戕其本根也而國何以為國乎昔漢文帝惜百金之費不營一臺故海內富庶隋氏以威修宮室而至于亡國願陛下以為鑒戒則宇內生靈之慶也況今倭寇跳梁內寇竊發警報日聞加以頻年災沴上下一空百計取之愈為不足而興作未已以結怨于天下此其足以失人心而致危亂者二也唐虞三代之世君

臣每以勤敬之道交相警戒其見于經傳者如堯舜兢
兢業業無怠無荒禹惜寸陰湯坐以待旦文王日不暇
食武王以敬而勝怠故能壽躋耄期治隆熙泰是數聖
人所以崇年益壽善政和民之道不外乎敬與勤而已
矣周公召公之相成王也周公則以逸而戒之召公則
以敬而勉之蓋敬逸之間身之修否政之理亂所由分
此固周召忠君懇惻之心也陛下即位之初勵精有為
不遑寧處嘗以敬一歲通示天下其于堯舜三王之道

欽定四庫全書

楊忠介集

蓋已心得之矣近年以來因聖體違和朝儀間闕經筵
未講大小臣庶朝參辭謝未得一覲聖容敷奏復逆未
得一聆天語若是者今已久矣夫天位者艱難之器非
逸樂之具也陛下一身天地百神賴以享六軍萬民賴
以安一日二日有萬幾之繁近聞聖躬調順大獲福履
中外臣民罔不歡慶況此春氣漸和人思新化庶官入
覲雖雖肅肅來自萬里之遠者孰不欲鞠躬垂委北面
舞蹈望龍顏以慰快覩之心乎易曰聖人作而萬物覩

正今日之事也若未得瞻於咫尺天顏之下以伸有孚
顯若之敬臣恐人心日益怠惰中外日益渙散非隆古
君臣同寅協恭以臻太平之氣象也此其足以失人心
而致危亂者三也執左道以惑衆聖世所必誅而不宥
者也今巧言令色列於庭苑金紫赤綬賞及于方外之
士臣不意陛下睿哲先物明見萬里而所為乃至于此
夫保傳之職坐而論道古人謂官不必備惟其人故非
道隆德盛極天下之選者不足以任此責今舉而畀諸

欽定四庫全書

楊忠介集

迂怪之徒輕之若流品之末則名器之濫至此極矣且
陛下以天縱之聖資為上天之元子若遠宗帝王之道
近守祖宗之法細旃廣廈之下與公卿賢士講論治道
則心正身脩與天地合其德與日月合其明和氣致祥
罔有天災而山川鬼神莫不寧矣安用假此妖誕邪妄
之術列諸法禁之地而藉之以為聖躬之福耶甚非聖
天子所以崇正遠邪平平蕩蕩奉三無私以化天下之
之道也臣恐風聲所及人起異議豪傑之士聞而解體

貽四方之笑取百世之譏于聖德國政所損不細此其足以失人心而致危亂者四也古人有言君聖則臣直陛下臨御之初延訪忠謀虛懷納諫其于狂直敢言之士往往於宵故一時臣工侍陛下之能容敢以直言冒干天聽言過激切而獲罪亦多有之自此以來臣下懷危慮禍未聞敢有犯顏直諫而為匡救逆心之論者昔人論求言之益以為勉強以聽不若悅而從之悅而從之不若道之使言蓋人臣持祿保位者多而忘身以殉國者少雖識見有明暗言論有得失在陛下明目達聰鑒別取舍于黜陟賞罰付之公論則可矣若震之以天威加之以危禍如往年太僕卿楊最者言出而身即死近日翰林院左贊善兼修撰羅洪先等皆以言罷斥此於國體治道所損甚多伏願聖明少致思焉成湯大聖人也仲虺稱其改過不吝從諫弗咈高宗有商之令主也傳說告以木從繩則正后從諫則聖此二君作聖之功為萬世人主之龜鑑也臣非區區為一楊最等惜也

但歷觀古今以來有天下國家者未有不以任諫而興以拒諫而亡者也今而後雖有素懷忠義之心者非仄心仕進甘退丘園亦必深自晦藏為保身計矣孰敢發口以論天下之事哉臣恐忠蓋杜口則讒諛交進上德不能下達下情不能上通安危休戚無由以見而堂陛之近即遠于萬里矣此其足以失人心而致危亂者五也凡此數者關於天下之治亂國勢之安危貽聖心之憂誠未已也伏望皇上念祖宗創業之艱難思今日守成為不易察臣忠惻覽臣所陳賜之施行戒飭夏言務篤忠貞之道以報國家眷顧禮遇之恩於郭勛則豫有以裁抑而保全之止土木之功開諫諍之路屏邪妄之術陛下仍以慎獨養天德以天德達王道以慰人心以祈天祐則莊敬日強而彌壽永于千億虛靈照物而忠邪莫可遁逃其為宗廟社稷萬萬年無疆之福聖子神孫萬萬年無疆之規者端在此矣臣不勝戰慄懇切之至

獄中諫書

臣聞明王之治天下也上畏昊天之鑒臨下畏臣民之瞻仰雖德盛功高而其惟日不足之心未嘗不求賢納諫以盡事天撫民之誠而制治于未亂保邦于未危焉忠且之事君也雖當道化熙洽之時猶不忘訓誥保惠之勤而防微杜漸之惟謹惟恐一念一事之差謬而貽生民無窮之害也古今稱舜者孰不以為天下之大聖乎其聰明睿智出于天性若無賴於臣下之匡輔取善以自益矣然舜命禹曰予違汝弼汝無面從退有後言又曰臣作朕股肱耳

欽定四庫全書

卷一

三

目不以已德為已至而從事于咨諏察納之無遺蓋知一念之趨向則聖狂治亂所由分而不可以不慎焉是聖人不自滿足終日乾乾之心也禹戒舜曰毋若丹朱傲惟慢遊是好傲虐是作益戒舜曰罔遠道以干百姓之譽罔拂百姓以從己之欲夫舜豈至違道干譽拂民從己者哉又豈至好慢遊作傲虐如丹朱者哉禹益不以其君道隆德盛而忘儆戒之勤懇如此是人臣保治無窮之心而為尊君敬君之至也虞廷君臣都俞吁咈之相與如手足腹心

之一體而成文明熙皞之治後有作者弗能及也伊尹告太甲曰有言逆于汝心必求諸道有言遜於汝志必求諸非道召公告武王曰志以道寧言以道接周公訓成王亦曰小人怨汝詈汝則皇自敬德厥愆曰朕之愆允若時不啻不敢含怒古聖哲之臣所以輔養君德而成功業之盛者孰不切切焉欲其君以聽言納諫為心乎漢武帝之臣有汲黯者自言有狗馬之忠願出入禁闥以補過拾遺又曰天子置公卿輔弼之臣寧令阿譽

欽定四庫全書

卷一

三

順從以陷主上於不義乎且已在其位縱不言忝辱朝廷何魏徵疏唐太宗漸不克終十事以諫諍為已任君不及克舜其心未肯以自已也故汲黯魏徵號稱古之遺直而太宗貞觀之治幾于三代者有由然也歷代聖賢之君莫不樂聞規諫以來天下之善以防壅蔽之奸至秦始皇父子惡聞過失忠諫者謂之誹謗深計者謂之妖言遂至上下判隔遠近乖離匹夫一呼天下土崩不二世而國不守矣我朝孝宗皇帝時主事李夢陽以

言事下獄中鎮撫司本上孝宗皇帝問左右當何如批
行左右對曰此人狂妄當笞之以示懲戒孝宗皇帝特
批釋放因語輔臣曰李夢陽本內事干戚朕不得已
下之獄左右欲朕笞之者朕知左右之意矣蓋既得旨
必密喻重笞置之死地以快中官之心而使朕有殺直
臣之名左右之不忠一至于此輔臣對曰陛下此心即
堯舜之仁也是故遠而虞夏商周之聖君及漢唐以來
之賢主近而孝宗皇帝皆陛下所當取以為法而泰以
誹謗二字箝天下之口以自取覆亡之禍者又萬世所
當深戒也以任諫而興以拒諫而亡臣往年疏中亦嘗
為陛下言之矣不知聖明亦曾垂覽否乎天下猶人之
一身焉人之血氣不周流者必死天下之勢上下之情
不相通而不亡者未之有也諫者使下情得以上通上
情得以下達而免於覆亡之禍焉昔人以為功多於汗
馬之勞者謂能消禍于未萌也孔子曰臣之事上也進
思盡忠退思補過將順其美匡救其惡又曰天子有諍

臣七人雖無道不失其天下諸侯有諍臣五人雖無道
不失其國大夫有諍臣三人雖無道不失其家當不義
則臣不可以弗諍于君子不可以弗諍于父孟子曰責
難於君謂之恭陳善閉邪謂之敬吾君不能謂之賊其
語齊臣曰齊人無以仁義與王言者豈以仁義為不美
也其心曰是何足與言仁義也云爾則不敬莫大乎是
我非堯舜之道不敢陳於王前故齊人莫如我敬王也
大哉孔孟之言真萬世致治之道也伏願聖明留心焉
臣自嘉靖十一年以病居田里者八年餘量能度分安
身退處已絕無用世之心矣朝廷起臣於畎畝之中而
授之職既又以罪下獄臣一時所着衣服非度聖明不
即誅死而惟笞以戒之此猶天地之於萬物一於長養
生成而已栽培傾覆之殊用天無私喜私怒于其間也
風雨霜露無非上帝之教笞以戒臣而全臣之生孰非
陛下之仁乎陛下于臣已廢而復起之當死而又生之
其浩蕩無涯之恩德始終于臣者可謂至矣此臣於垂

死之餘猶哀鳴之而欲陛下納諫容直以成君德以廣君道與唐虞三代兼美比隆欲竊效古人屍諫之忠而盡臣犬馬之報於萬一也伏願聖明留心焉臣又尚記東廠使記臣衣服然其來者二人焉臣未知其姓氏自此以後或一二人或三四人更迭往來未嘗不日在臣之左右凡為臣所經過者將百人焉臣心知其為東廠使以覘臣者而口未敢言臣又察其意向似有記臣言語動作以傳聞于天聽之下之意焉不知果有此事否

欽定四庫全書

楊忠介集
卷一

乎若誠有之臣不勝惻怛悲感之切至而願昧死以有言此非陛下威德所宜為也古人有言君道貴明不貴察陛下以睿智居尊中天下而立定四海之民當以正大光明之道化成天下平平蕩蕩毋意毋必毋固毋我朕肱耳目托諸臣佐生殺予奪付之公論不宜偏有視聽作為之私心而使羣下得以窺聖衷之淺深也況今邊隅屢警兵政廢弛工役浩繁財用匱竭暑雨祈寒生民嗷嗷君子小人孰為當進孰為當退朝政數理孰為

當廢孰為當興一日二日有萬幾之繁孰非陛下所當深察而速覽者乎釋此不慮而注意一狂言獲罪之囚犯此何心哉若陛下以此察臣之心移之於兵政之廢弛財用之匱竭生民之嗷嗷君子小人之當進當退朝政之數理當廢當興念茲在茲與公卿賢士日講論之而圖慮之心常如此實為宗廟社稷之福萬方生靈之慶也況臣當日所言雖出臣愚昧之見而一時芹曝之誠亦未必無可採擇而施行者若聖明留意而臣言有

欽定四庫全書

楊忠介集
卷一

補于聖政萬一雖誅死即不朽矣泰山不讓土壤故能成其高河海不擇細流故能就其深王者不棄芻蕘故能極其聖伏願聖明留心焉又臣初下獄時鎮撫司官倪民孫綱以聖怒赫然之下臣罪深重一時不令臣自通飲食惟日給臣以官米臣又不便所食又病幾死後陶某等許臣家人自送淡粥麪湯日得二食今四十五月有餘矣延此一息尚未死滅此實陛下好生之德覆載之恩之所及而諸臣不欲置臣於死使朝廷有殺諫

臣之名其心未必不為忠于陛下者也近東廠復三四
人來獄中鎮撫司自官吏以至守獄校卒皆戰慄懼
日夜戒嚴復絕臣飲食似有欲臣速死之意臣今一死
雖無所惜誠無所難但臣愚慮謂絕飲食以置臣于死
決非聖心所欲為竊恐有請張為幻者過為訛言恐動
衆心使至于此則事未可知伏望皇上洞開日月之明
照此幽隱之地若臣罪當誅即明正典刑肆諸市朝以
為人臣事君不忠者之戒若察臣忠悃憫臣狂愚罪從
欽定四庫全書

楊忠介集

卷一

未減或遠謫邊戍放歸田里此又聖主宥罪赦過之洪
恩非臣負罪深重者所敢望也惟聖明蚤賜裁處臣不
勝兢惕懇切之至

楊忠介集卷一

欽定四庫全書

楊忠介集卷二

明 楊爵 撰

序

周易辨錄序

予久蒙幽繫自以負罪深重憂患警惕之念即夙夜而
恒存也困病中日讀周易以自排遣愚蒙管窺或有所
得則隨筆之以備遺忘歲月既久六十四卦之說畧具

欽定四庫全書

楊忠介集

卷二

矣因名曰周易辨錄繫辭曰困德之辨也吾以驗吾心
之所安力之所勝何如耳若以為實有所見而求法於
古人焉則吾死罪之餘萬萬所不敢也嘉靖二十四年
八月日爵謹書

獄中詩集序

去年春予以罪下北司獄既而緒山錢子白樓趙子皆
以負罪同繫於獄如楚囚之相對也二子者歎舊業之
易荒不以蒙難為意時時讀易余以園牆之中而得賞

奇析疑之樂因與二子取六經三史諸子百家數相論
難情與感觸發爲詩歌古風近體各有所得歲月既久
總成一帙錄藏巾笥意不在詩與文而在無忘今日惠
難相與之心也故吾三人每相聚語未嘗不嘆相遇之
奇而幸其相處之益也古者大聖賢之心學淵源相與
神交默會故有誕先登岸不假於困窮鬱抑而後成然
以動心忍性熟其所存精其所履而優入於神化之境
者自上智而下恒多有之吾觀錢趙二子景希先哲探
討幽秘疊疊不厭他日行所學以福斯世而成可久可
大之事業其與涵養家塾而措諸廊廟者何異耶顧予
庸疎多罪劣於振拔幸得竊其影響補愆省咎而僅比
於折肱知醫之萬一焉夫以多齒多懼之區而爲進修
之地者亦在乎心之存不存何如耳時嘉靖壬寅秋七
月既望爵書於獄中

雪夜吟集序

余與錢子洪甫同獄中得其父心漁翁所著有雪夜吟

欽定四庫全書

楊志介集
卷二

二

集而相與序述發揚顯心漁翁之心與行而可與傳後
者多海內之名士余讀之不能不有所感於心也天賦
人以聰明才知豈可飽食終日無所用其心哉心漁翁
發之於詩其過人者亦多矣詩歌琴曲之類且不過以
此一種之樂趣以養其悠然自得之性情而忠孝大節
乃其平生之懷抱今詩歌中徃徃見之而循自然之理
以任乾坤之句幾於樂天知命者矣夫有大抑鬱必有
大亨通固理數然也吾觀心漁翁之子孫濟濟多英才
而長子洪甫進士方任刑部員外郎以學行知名於世
天其有以慰心漁翁之心乎

蒲城縣志序

予讀王制有曰凡居民材必因天地寒煖燥濕廣谷大
川異制民生其間者異俗器械異制衣服異宜修其教
不易其俗齊其政不異其宜知天下郡邑之有志其作
蓋繇於此乎蒲城縣志凡十篇縣尹姜子教諭徐子所
創編也歷春秋戰國迄於國朝凡二千餘年一方故迹

欽定四庫全書

楊志介集
卷二

三

亦畧可見矣志既成徐子手持以示予且請序諸首夫志之爲言識也蓋郡縣有沿革物產有饒乏人事有得失識之以備考稽均貢食昭鑒戒述往事以告後之人焉所謂修教齊政之事所繇得也是志所載天文地理人事皆有焉予取其人之有關於世教者言之涖官如張戩孝子如趙玉烈婦如姜溢妻其休聲懿聞百世之後聞之者可以興起此志之所以不容已也夫人之趨向能正斯所覽而可爲迪已之地苟心存不善雖嘉言

欽定四庫全書

楊忠介集
卷二

四

美行日聞於耳弗能入也君子而能大其觀則修己治人之道亦可于斯志而有得焉斯固志者之意也姜子名某字某徐子名某字某二子西蜀人也守官而能以文獻爲心如此亦異於世俗之見矣

贈汪兵備兩尊人壽序

公諱尚寧先為程家立嗣後復姓

嘉靖乙丑年封君之子廷德與爵同舉進士官行人司行人交與日深廷德不以爵不肖取爲同年友壬辰年爵以御史謝病歸廷德以年不與科道舉歷部郎補克

州府知府庚子歲爵復承乏前職廷德入覲京師復會於燕山客舍中叩其所造淵乎未可窺也次年辛丑春爵以罪下獄踰五年爲乙巳秋蒙恩宥爲編民廷德以吾陝兵備守潼關遇於塗次未幾爵復以罪逮北行事出不測遠近震駭廷德送傳舍握手以別丁未冬爵復蒙恩歸田里時廷德移守慶陽致書林下謂其父母年高凡吾同好者當有言以壽之夫子之善父母之善也廷德明識器宇自其弱冠時已若素定然歷官所至仁

欽定四庫全書

楊忠介集
卷二

五

澤義聲聞於海內爵實與陝民同在漸被中孰非封君暨太夫人德善所及乎爵願祝封君太夫人曰公有賢子行道濟時惟天眷德自古若茲公之夫婦耄期稱道公之夫婦壽考無期耄期稱道壽踰百齡子子孫孫承於無窮

賀督浮岩公八十序

御史龍谿督子學父浮岩公壽登八十親友以公賢德享壽子孫克肖咸願往賀予爲先之以言孔子曰仁者

壽解之者曰靜而有常故壽浮岩公常侍父病致憂三年心不少懈父歿值歲歉未克舉奠哀經不去身者八年餘致哀於父致養於母兄弟翁好同飲食者五十年此其心與行豈易及哉蓋崇本篤內爲闡然以修之賢者也發事詩書疊疊不厭開論後學多所成就即子學爲關輔名士可知矣周人之急不吝所有稱人之善忘其所短謀人之咨不踰於道有司知其賢俾以冕服與鄉飲酒禮大抵虛中循理莊重凝靜固所以致長年揆

欽定四庫全書

楊忠介集
卷二

六

公素履其完復天則培固真原而周旋矩度者率由此道今其耳目聰明動履強健則又壽躋未艾之徵也詩曰如月之恒如日之升如南山之壽不騫不崩如松柏之茂無不爾或承請以是爲浮岩公壽記

處困記

嘉靖二十年二月初四日余以河南道監察御史上封事有罪次日下錦衣衛鎮撫司十三日夜蒙笞十七日

夜復蒙訊鞠血肉淋漓喘息奄奄而所以困苦之者則又日夜戒嚴未少疎焉斯時也余自謂死在旦暮且以得速死即爲幸矣既數月刑瘡之潰裂者雖少完復然殘傷毀敗之餘形狀樂樂動輒顛躓亦未敢以萬一獲生之意自望也忽一人謂余曰子之險難其將免矣有一賢者焉以救子爲事疏之上已數日矣予問爲誰其人不以姓名告但曰俟一二日當自知之已而戶部廣

欽定四庫全書

楊忠介集
卷二

七

東司主事周公天佐下獄中余未始識周也時獄戒甚嚴又未獲一相面語惟聞衆驚愕驚語及疾趨往來蹣跚聲周咎之既重其困苦之者視余之慘則又甚焉余慮其弗能堪也呼一人即膝上手畫困卦二字使以潛慰之乃示以困亨貞大人吉无咎之義也聞周首之且微有笑容次日余詢公之起居於同逮麻知州時公已逝矣麻不欲以驚悸告但紿之曰必無事今日飲食稍能進矣其卒爲五月初八日未時也數日驗出其屍天震雷屍既出雷已予哭之以詩有天上烈星墜人間